

سُرَاطُ اشْتِرا

ولایاتده ودرسمادته محل
اقامتلرینه کوندرلک اوزره
سنه لکی ۷۰ الی ابانی ۴۰
غروشددر اداره خانه دن
القی اوزره سنه لکی ۵۰
الی ابانی ۳۰ غروشددر .
آپونلر سنه ابتداسندن
یعنی الی اوچنچی نومرودن
اعتباراً برسنه نلک ویاخود
الی ایلقی اولورق قیسه
اولور .

محل اداره سی

باب عالی جوارنده ابو .
السعود جاده سنده محمود بك
مطبعه سیدر .

امور اداره ونخبریه به متعلق
خصوصات ایچون محمد رضا
افندی نامنه مراجعت
اولغیدر درج اولغیان
اوراق اعاده اولغاز .
اداره خانه جمعه دن ماعدا
هر کون آجقدر .

سَمَّهٔ مَلِكِ اِسْمَاعِيلِ بْنِ اَبِي اَسَدٍ
۱۳۰۷

مقالات علمی و فنی نلک واسطه انتشاری . کلزار ادبیاتلک تجلیه آتاریبر


Directeur Mehmed Riza

مربی : محمد رضا

نومرو ۵۷

سرمحوری : سامح

نسخه سی ۵۰ پاره در



بَلَدِ اِسْمَاعِيلِ بْنِ اَبِي اَسَدٍ

تبریک ولادت حضرت پادشاهی

دیدۀ انسانیت خارق العاده برمنظر میه ، باخود تصویر علوی لسانه صیغیان برلوحۀ ضرای عظمی نمونه مصادف اولدینی زمان کوکل کمال
بہت وحیرتندن تعجب ایله انجاز اده سنده کی فرق مهمی تمیز ایدہ بیلیمک اقتدارینی غائب ایدہ نلک بو تماشای بہت افزادن متولد حسیات
روحانیہ نلک تشریح سرائندہ الک معجز بر لسان اولیق اوزره اختیار سکوتہ مجبور اولور .
اشته حقایق شناسان ابرار امت بورانی درپیش نکاہ ابتصار ایلہ نلک تدقیق لدنیات حکمنده اقضای معرفتک حیرتدن عبارت اولدینی
بیان ایتشلردر کہ شو حکم اصابتقرین دائرہ سرائر لدنیدہ محصور قالیدرق احوال روحانیہ نلک جملہ سنہ شامل عد اولنہ بیلایر .
بوکون بتون جهانی احاطہ ایتک استعدادینی کوسرتن نشوہ فیضا فیض ملتہ اوسور سرورہ باعث اولان عید سعادتک بیوکککنی ،
برده شو عید معالیدیدک اساسی تشکیل ایدن ولادت باہر المیمت حضرت شہریاریدہ کی علو درجاتی دوشندیکمز زمان بزده بویلہ بر بہت
عجز اندیشانہ سیر اولوب قالورز .

ذاتاً دنياده بوروز مسعدت بروزك علويتی تقدیر اتمیه چك بر كیمسه تصور اولته مازكه اوکا دائر سوز سويلمه كه لزوم كورلسون .
 بناء عليه شو كتماناب معالینصاب اقتدیمز حضرتلرینك مطبوعات حقنده رایكان اولان عواطف مالایه شهریار یارندن حصه مند اولان
 (رستلی غزته) بو بایده کی عاجزانه سكوتی مكثارانه ایضاحاته ترجیح ایده رك خاکبای معالینبای جناب خلافتناهی به جبین احترام ایله
 تبریکات نایزانه سی عرض ایتمكه اكنفا ایله .

قطعه

عواطفله جهان اولدی مشرق الانوار
 فلکده طوغندی هیج اویله ماهیاره جود
 ناظم الفکیم احمد صمدی

بوشبدر اول شب اقدس که پادشاهزی
 کمال شوق ایله آغوشه آلدی مهد وجود



قِسْمُ الْاَنْبِيَاءِ

عسا کر عثمانیه نك محاربه اخیره یونانیه ده
 احراز شرف غالبیت اتمی اوزرینه تبریک
 و تسعیدی حاوی برقصیده تاریخیه در:

ای وکیل پاك سلطان الرسل
 ای معز الحکمی شرع انورك
 قرة العینی مجاهد امتك
 روح جسمی غازیان صفدرک
 تاجدارى الك بیوک بر دولتك
 شهریارى الك دلارا کشورک
 شاه شاهان جهان عبد الحمید
 ای مدار فخری عثمانیاریک
 صاحب تخت خلافتك بوکون
 حاکم مشروعیسك بحر وبرک
 برهاسك سن که فرق عالمه
 سایه انداز کرمدر شهبرک
 دور احسانکده ای روح الکرام
 وصف جودی ناسزادر جعفرک
 چونکه تنظیم امور ملک ایمون
 جدی یوق بذل ایتدیک سیم وزرک
 بارکاهک مرکز اجراسیدر
 امر بالمعروف ونهی منکرک

بر نکاهک باعث احباسیدر
 داعی اقبال هر دانشورک
 قیلدی رونقیدار عید ایایی
 مهجته رایات پرتو کسرتک
 ایتدی اوج آرای شهرت نامی
 اعتلای طالع سعد اخترک
 ایشته تاریخ ایشته اوصاف ملوک
 ذکرى یوقدر سن کبی برسرورک
 بارک ام اولدی آرایشپذیر
 جوهر شان ظفرله افسرک
 غالبیت الک کوزل پیرایدر
 یوق لزومی بنجه دیکر زیورک
 آرق اولدک واصل اقصاب کام
 خضر توفیق خدادار رهبرک
 قائد الجیشکدر امداد رسل
 فیض تأیید سیاوی یاورک
 نقش جبک زیب لوح سیه در
 چونکه تمثال ظفردر پیچرک
 شاه غازیسک لسان صدق ایله
 وصفه شایاندر غزای اکبرک
 ایلوب اعدای دینی تار ومار
 روحنی شاد ایلدک پیغمبرک
 عدل ایله هر تبه فاروق ایدک
 شمعی سن تأیسی اولدک حیدرک

قبضه تسخیر آلدک چوق یری
 کجیدی صیتک صیتی اسکندرک
 کیمدر اسکندرکه اسکندر کبی
 شانلیدر، عنوانلیدر هر چاکرک
 آجیدی ابواب قلاع دشمنی
 زور بازوی جلا دتپورک
 باق قاشدردی عیون عالمی
 برق شمشیر ثریا جوهرک
 بویله پک آز کونده تدمیر عدو
 کاریمی دنیاده هر جنکاورک
 سلطوتدن قاجدی یونان عسکری
 صفشکافان لیوت لشکرک
 کرک اولورمی تیز دندان اولسه ده
 سدرام صولاتی شیر نرک
 خصمی بر باد ایتدی زور ضربه سی
 غازیان تیغزدن هرارک
 کهنه ساق اشجار اولورمی پایدار
 رهگذار شدتده صرصرک
 دائم اول تختکده ای فخر الغزات!
 آلدی نو شهرت مظفر عسکرک
 قطع ایدوب بیخ درخت قننه سی
 حق تامن ویردی سیفک، خنجرک
 مرجبا ای سیف مسلول جهاد!
 سرمدی اولسون نفوذ برترک